



Antiqvae Lectionis Tomus ...

In Qvo XVI. Antiqua Monvmenta Ad Historiam Mediae Aetatis Illvstrandam,
Nvnqvam Edita

Canisius, Heinrich

Ingolstadii, 1601

Epistola XXVII. Domino beatissimo, atque omni honore nominando, Leoni
Papæ. Hvmilis Levita Albinvs Æternæ in Christo gloriæ salutem.

[urn:nbn:de:hbz:466:1-64144](#)

corpore, & sanguine Domini nostri Iesu Christi. Et cum gratiarum actione semper rememorate, quomodo vos diuina misericordia, de terra tenebrarum, & frigoris, de regione ignorantiae, & iniquitatis, transtulit in loca lucis, & letitiae, in tabernacula abundantiae, & iustitiae: & elegit vos sibi in filios pietate paterna, ut per vos nomen illius nuntietur in gentibus.

Sequimini vestigia sanctorum patrum, & nolite in Catholicæ fidei religionem, nouas inducere sectas. Cauete vobis venenosum erraticæ invectionis fermentum: sed in sinceritate, & veritate mundissimos sacræ fidei panes comedite: & vinum, quod diuina electis suis miscuit sapientia, bibite: & cantate Deo vestro in concordia pacis, & unanimitate charitatis perpetuæ canticum laudis, & cum militia cœlesti, consona voce, laudate Dominum, & dicite, Gloria in excelsis Deo, & in terra Pax hominibus bona voluntatis. Diuina vos præueniat gratia, & subsequatur ubique clementia, & in omni opere bono florere faciat viri fratres dilectissimi, & sanctissimi patres.

EPISTOLA XXVII.

Domino beatissimo, atque omni honore nominando, Leoni Papæ.

HVMILIS LEVITA ALBINVS ÆTERNAE
in Christo glorie salutem.

Suscipiat obsecro sanctissima pietas vestra, Pater glorioissime, benigno animo nostræ paruitatis literulas, & me deuotum vestre dilectionis famulum agnosce.

I

Semper

CC CLV.
S III.
M 172.
S IV.
24

Semper sanctæ Romanæ sedis beatissimos, quantum valui, Principes, & Pastores amavi: cupiens illorum sanctissimis intercessionibus, inter oues Christi numerari: quia Dominus Christus post resurrectionis suæ gloria, beato Petro Principi Apostolorum pascendas commendauit: quod verè dignum esse fateor, omnem illius gregis multitudinem suo pastori, licet in diuersis terrarum pascuis comorantem, una charitatis fide subiectam esse, & sicut pastor concedat magnam sibi commissi gregis curam habere, & sedula pietatis admonitione, & sanctitatis intercessione prouidere; ne aliqui ex illis per præcipitia errorum à via veritatis, vel perpetuæ pascuis vitæ exorbitant, incipient. Gregis sanitas, gloria est pastoris, & multiplicatio illius merces æterna.

Ecce tu sanctissime pater, pontifex à Deo electus, Vicarius Apostolorum, hæres patrum, princeps Ecclesiz, vienius immaculatae columbae nutritor; in te fides resplendet, deuotio fulget, charitas abundat, congrega nos filios sanctæ Dei Ecclesiæ, & paternæ miserationis affectu, tuis sanctissimis orationibus, & dulcissimis sacrarum literarum exhortationibus intra firmissimum Ecclesiæ soliditatis ouile, ne quis ex nobis errabundus lupina rapacitate foris inueniatur deuorandus. Nam splendentia cœlestis mandragmina, Natiuitatis Domini nostri Iesu Christi gaudia primò pastoribus, qui supra suos deuotè vigilârunt gregem nuntiare venerunt.

Ecce tuis sanctissimis vigiliis, ac pastorali sollicitudini probatissime ARCHIMANDRITA, angelicas à supernis sedibus visitationes adstare non dubitamus: quarum auxilio quæcunque diuinam poposceris pietatem, impetrare te posse credimus: Vnde ego ultimus sacratissimi ouilis vernaculus, & morbida peccatis ouicula, spe, pace, pietate

nitatis vestræ, animatus, ante sanctissimos paternitatis tuæ
pedes animo prostratus, suppliciter deposco, quatenus du-
rissima peccatorum meorum vincula, per Ecclesiasticam
Apostolicæ auctoritatis potestatem soluere digneris: & pa-
ternæ pietatis precibus cursum vitæ meæ, qui restat, ad
perpetuæ portas ciuitatis dirigere studeas.

Grandia posco quidem, sed charitas grandia nouit da-
re. Poscentem pro filia viduam Christi clementia non sper-
Matth. 15: 25
nit: Sedait, O mulier, magna est fides tua: fiat tibi sicut vis.
Fides me hortatur, hæc poscere: spes confirmat, impetrare:
charitas, credo, negare non præsumit. Christus pro nobis,
cùm inimici essemus, mori non dubitauit: quanto mag-
is, te, Pater sancte, pro amicis velle orare, credendum
est?

Sub te pastore augeatur grec Christi. Tu consolator
miserantium, adiutor laborantium: spes, ad te clamantium:
lux vitæ: religionis decus. Locus, in quo stas, omnibus te
honorabilem facit, & morum nobilitas laudabilem: & pie-
tatis deuotio amabilem. Et qui sedem Sanctorum tenes
patrum, eorū exemplis inhæreas semper, vt cum illis, mul-
tiplicilaboris mercede, Domini Dei tu iugalia intrare me-
teatis. Iste filius meus charissimus ENGILPERTVS, vobis
patefacere valet nostræ paruitatis erga Apostolicam sedem
deuotionem etiam & voluntatis nostræ petitiones: quem
vestræ paternitati valdè fidem esse agnoui: & ideo no-
stræ necessitatis causas illi iniunximus, vt per os illi-
us, pietatis vestræ aures mei cordis audiant
obsecrationes.



I. 2:

EPI-